

近代中國經濟史論叢書第十八種
沈 毅 主 編

咸豐以來功臣別傳

天城出版社有限公司印行

近代中國史料叢刊三編第十八輯

沈雲龍主編

咸豐以來功臣別傳

朱孔彰撰

卷一—十五

文海出版社

有限公司

印行

功 威

臣 豐

別 以

傳 來

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



戊戌秋九月
漸學廬校印

咸豐以來功臣別傳目錄

卷一

曾文正公國藩

卷二

胡文忠公林翼

卷三上

江忠烈公忠源

卷三下

江壯節公忠濟

江壯節公忠信

江誠恪公忠義

從弟武愨公忠珩

林兵備源恩

鄒兵備漢勳

弟漢章

卷四

劉武慎公長祐

卷五

左文襄公宗棠

卷六上

忠武公塔齊布

卷六下

羅忠節公澤南

附塔忠武公部曲

童壯節公添雲

彭勤勇公三元

何有志

羅山弟子目錄

鍾近衡 翰等

鍾近廉

易良幹

羅信東

羅鎮南

謝邦

儲忠壯公孜躬

伍宏鑑

褚按察汝航

夏鑾

何南青

卷七上

楊勇愨公岳斌

卷七下

彭剛直公玉麟

卷八

王壯武公奎 從弟貞介公開化 族叔文瑞 張聲恒

卷九

李忠武公續賓 孫守信 丁銳義 何忠駿 蕭剛勇公意文 彭果毅

公友勝 劉忠壯公神仙 周愨烈公福高 彭武烈公

卷十上

曾忠襄公國荃

卷十下

曾愨烈公國華

曾靖毅公貞翰

咸豐以來功臣詞傳目錄

一一

卷十一上

忠勇公多隆阿

卷十一下

鮑忠壯公超 武毅 宋國永 孫開華

卷十二

劉武烈公騰鴻 弟騰鶴

畢剛毅公金科 黃虎臣

周節愍公雲耀

卷十三上

武壯公烏蘭泰 全玉貴 田學翰

向忠武公榮

張忠武公國樑 虎坤元

卷十三下

鄧忠武公紹良

瞿威壯公騰龍

饒莊勇公廷選

陳威肅公大富

卷十四上

駱文忠公秉章

劉巡撫蓉弟蕃

卷十四下

李勇毅公續宜

唐巡撫訓方

卷十五

貞恪公舒保

石威毅公清吉

咸豐以來功臣別傳目錄

三

漸學廬叢書

王剛介公國才

卷十六上

科爾沁忠親王僧格林沁

卷十六下

清愨公都興阿

卷十七上

沈文肅公葆楨

卷十七下

丁文誠公寶楨

卷十八上

溫壯勇公紹原

李守誠

羅玉斌

海從龍

夏定邦

王家幹

趙忠節公景賢

卷十八中

何文貞公桂珍

金剛愍公光筋 毛維翼

卷十八下

李武愍公孟羣 徐剛毅公曉峰

卷十九上

蕭壯果公啟江

黃忠壯公醅熙

卷十九下

張忠毅公運蘭 弟運桂

林剛愍公文察

丁剛介公長勝

卷二十

劉忠壯公松山

咸豐以來功成別傳目錄

四

漸學廬叢書

劉襄勤公錦棠

卷二十一

岑襄勤公毓英

卷二十二

蔣果敏公益澧

高勇烈公連陞

熊勇烈公建益

劉果敏公典

卷二十三上

席少保寶田

榮忠壯公維善

卷二十三下

王布政德榜

卷二十四上

程忠烈公學啟

劉壯肅公銘傳

卷二十四下

郭提督松林

周剛敏公盛波

周武壯公盛傳

潘巡撫鼎新

張勇烈公樹珊

吳武壯公長慶

卷二十五上

田太僕玉梅 張繼庚

卷二十五中

陳巡撫士杰 魏喻義

黃忠壯公潤昌 羅萱 李裕

卷二十五下

咸豐以來功臣列傳目錄

五

帥文毅公遠燁

張學士錫嶸

卷二十六上

張勤果公曜

卷二十六下

李壯烈公佑厚

屈布政蟠

金按察國琛

任閣學蘭生

黃按察鼎

卷二十七

朱提督洪章

劉勇介公連捷

彭忠壯公毓橘

李忠壯公臣典

李武壯公祥和

陳武烈公萬勝

郭勇烈公鵬程

王剛毅公紹義

卷二十八上

蕭節愍公捷三

周貞愍公清元 左光培

黃參將國堯

蕭壯節公翰慶

卷二十八下

黃武靖公翼升

咸豐以來功臣別傳目錄

六

新學廬叢書

李勇懋公成謀

李提督朝斌

王提督吉

鄔桂芳

胡俊友

郭明鼇

成發祥等

卷二十九上

趙剛節公德光

田巡撫興恕

威節愍公應洪

韓果靖公超

卷二十九下

楊武愍公玉科

陳總兵國瑞

卷三十

華爾

法提督卜羅德

勒伯勒東

法爾第福 美總兵 旺樂德克

戈登

咸豐以來功臣別傳目錄

七

新學廬叢書

咸豐以來功臣別傳目錄終

上海趙履福
吳鮑鳳翰同校

咸豐以來功臣別傳卷一

長洲朱孔彰撰

曾文正公別傳

曾公國藩字伯涵號滌生湖南湘鄉人也其先自江西徙衡陽明季徙湘鄉家世力農五六百歲無與科目顯者祖玉屏始務學父麟書老儒縣學生員至公乃大公生時曾大父夢巨蟒盤旋入室驚寤聞曾孫生喜曰此子必大吾門宅後有古樹藤糾之樹槁而藤日大以蕃蔭互一畝人以爲瑞藤云公初名子城中道光甲午科舉人戊戌成進士選翰林院庶吉士易今名散館授檢討二十三年充四川鄉試正考官再遇大考累遷侍講學士內閣學士補授禮部右侍郎兼署兵部右侍郎公在京時日立課程從太常寺卿唐公鑑講受義理學疾門戶家言漢宋不相通曉亦宗尙考據治古文辭與蒙古倭仁公六安吳公廷棟昆明何公桂珍仁和邵公懿辰漢陽劉公傳瑩相友善常慨然有澄清天下之志每自負或謂公大言欺人惟倭仁公數輩信之

文宗卽位之年廣西兵事起賊首洪秀全楊秀清等據桂平金田邨官軍進剿無功 詔臣工極言得失公奏今日所當講求尤在用人一端人才有轉移之道有培養之方有考察之法三者不可廢一 上嘉納之 詔保舉人才公薦李棠階吳廷棟王慶雲嚴正基江忠源五人咸豐元年粵寇益棘公奏曰臣竊惟天下之大患蓋有二端一日國用不足一日兵伍不精兵伍之情狀各省不一漳泉悍卒以千百械鬪爲常黔蜀冗兵以旬結盜賊爲業其他吸食鴉片聚開賭場各省皆然大抵無事則游手恣睢有事則雇無賴之人代充見賊則望風奔潰賊去則殺民以邀功章奏屢陳 諭旨屢飭不能稍變其錮習至于財用不足內外臣工人人憂慮自庚子以至甲辰五年之閒一耗于夷務再耗于庫案三耗于河決固已不勝其浩繁矣乙己以後秦豫兩年之旱東南六省之水計每歲歉收恆在千萬以外又發帑數百萬以振救之天下財產安得不絀宣宗成皇帝每與臣下言及開捐一事未嘗不咨嗟太息憾宦途之濫雜悔取財之非計也臣嘗卽 國家歲入之數與歲出之數而通籌之一歲本可餘二

三百萬然水旱偏災堯湯不免以去年之豐稔而江浙以大風而災廣西以兵事而緩計額內之款收已不下百餘萬設更有額外之浮出其將何以待之今雖捐例暫停而不別籌一久遠之策恐將來仍不免于開捐以天下之大而無三年之蓄汲汲乎惟朝夕之圖而貽 君父之憂此亦爲臣子者所深恥也當此之時欲于歲入常額之外別求生財之道則搜括一分民受一分之害誠不可以妄議矣至于歲出之數兵餉爲一大宗臣嘗考 本朝綠營之兵制竊見乾隆四十七年增兵之案實爲兵餉贏絀一大轉關請卽爲我 皇上陳之自康熙以來武官卽有空名坐糧雍正八年因定爲例提督空名糧八十分總兵六十分副將而下以次而減下至于總五分把總四分各有名糧又修制軍械有所謂公費銀者紅白各事有所謂賞卹銀者亦皆取給于名糧故自雍正至乾隆四十五年以前綠營兵數雖名爲六十四萬而其實缺額常六七萬至四十六年增兵之議起武職坐糧另行添設養廉公費賞卹另行開銷正項向之所謂空名者悉令挑補實額一舉而添兵六萬有奇于是費銀每年二百餘萬

此臣所謂餉項贏細一大轉關者也是時海內殷實兵革不作普免天下錢糧已經四次而戶部尚餘銀七千八百萬

高宗規模宏遠不惜散財以增兵力其時大學士阿桂卽上疏陳論以爲國家經費驟加不覺其多歲支則難爲繼此項新添兵餉歲近三百萬統計二十餘年卽須用七千萬請毋庸概增旋以廷臣議駁卒從增設至嘉慶十九年仁宗親祭藏之大紕思阿桂之遠慮慨增兵之仍無實效特詔裁汰于是各省裁兵一萬四千有奇

宣宗卽位又詔抽裁冗兵于是又裁二千有奇乾隆之增兵一舉而加六萬五千嘉慶道光之減兵兩次僅一萬六千國家之經費耗之如彼其多且易也節之如此其少且難也臣今冒昧之見欲請汰兵五萬仍復乾隆四十六年以前之舊驟而裁之或恐生變惟缺出而不募補則可徐徐行之而萬無一失醫者之治瘡癰甚者必剗其腐肉而生其新肉今日之劣弁羸兵蓋亦當爲簡汰以剗其腐者痛加訓練以生其新者不循此二道則武備之弛殆不知所底

止自古開國之初恆兵少而國強其後兵愈多則力愈弱餉愈多則國愈貧北
宋中葉兵常百二十五萬南渡以後養兵百六十萬而軍益不競明代養兵至
百二十萬末年又加練兵十八萬而孱弱日甚我朝神武開國本不藉綠營
之力康熙以後綠營屢立戰功然如三藩準部之大勦回疆金川之殊烈皆在
四十六年以前至四十七年增兵以後如川楚之師英夷之役兵力反遠遜于
前則兵貴精而不貴多尤爲明效大驗也八旗勁旅亙古無敵然其額數常不
過二十五萬以強半芻衛京師以少半駐防天下而山海要隘往往布滿國
初至今未嘗增加今卽汰綠營五萬尚存漢兵五十餘萬視八旗且將兩倍權
衡乎本末較量乎古今誠不知其可也近者廣西軍興紛紛徵調外兵諺省額
兵二萬三千土兵一萬四千聞竟無一人足用者粵省如此他省可知言愈及
此可勝長慮又上疏敬陳 聖德二端預防流弊言過切直 上怒捽其摺于
地立 召見軍機大臣欲罪之郝公雋藻叩頭稱 主聖臣直者再季公芝昌
公會試房師也亦爲請曰此臣門生素愚竊惟 皇上寬而宥之于是 上意

解且優詔褒答公自爲侍從臣十餘年歷兼工部兵部刑部吏部侍郎雖嘗以直諫忤指 上益察其忠二年命典江西鄉試七月丁母憂歸是時粵賊已犯長沙圍之二三月舍去掠民船順風一夜渡洞庭陷岳州又陷漢陽武昌二年正月沿江東下陷九江安慶破江甯據爲僞都秀全自稱天王建僞號太平天國分黨北犯河南直隸陷鎮江揚州踞之海內震動而公已奉 旨辦團練于長沙初公欲具疏請終制郭公嵩燾言于公曰公本有激清天下之志今不乘時而出拘守古禮何益于 君父且墨經從戎古之制也公于是投袂而起募農夫倡勇敢用書生爲營官湘軍之名自此始時土寇蜂起人心惶惑賊衆未至一日數驚縣令每畏蕙養癰及公之出先清內訌不經有司掩捕卽置重典十旬中戮二百餘人謗譟四起公與人書有不要錢不怕死之語一時譟之又手書告勸鄉人士耆老雖幼賤與鈞禮山野材智之士感其誠莫不往見人人皆以曾公可與言事其求才也舉塔齊布于戎行識羅澤南于諸生拔楊載福于卒伍延彭玉麟于筦庫保胡林翼以大用而湖南泄沓之風由公一變又嘗與

郭公嵩燾江公忠源論東南形勢多阻水欲剿賊非水師不可乃奏請在衡州
湖造戰艦南中匠卒不知辦此公研精覃思博采眾議得之遂成大小戰艦二
百四十募水陸萬人水軍以褚汝航楊載福彭玉麟等領之陸軍以塔齊布羅
澤南領之賊自江西上竄再陷九江安慶黃州漢陽等郡武昌戒嚴 朝廷累
詔出兵策應初不責以數省軍務而公獨毅然以討賊自任于是以湖南爲根
本將水陸東征舟師初出湖遇大風損數十艘陸師至岳州前隊潰退引還長
沙賊陷湘潭邀擊靖港又敗公憤投水左右援救得不溺後數日塔公大破賊
于湘潭軍心始定公營長沙高峯寺重整軍實或請增兵公曰吾水陸萬人非
不多而遇賊卽潰岳州之敗水師拒賊者楊載福一營湘潭之戰陸軍塔齊布
兩營水師楊載福兩營以此益知兵貴精不貴多故諸葛祁山之敗且謀減兵
省食勤求已過古人亦正切實體驗非虛言也且古人用兵先明公罪賞罰今
時事艱難賢人君子大半潛伏吾以義聲倡導同履危亡諸公之初從我非以
利動也故于法亦有難施其致敗實由于此諸將皆服旣克湘潭公引兵趨岳

州連戰下城陵磯水軍偏師挫尋復振會師金日謀攻武昌公率水師中流直下盡燬鹽關漢關鮪魚套賊舟而令羅公攻花園塔公攻洪山公親策應武昌漢陽賊見官軍盛宵遁遂復二郡捷奏至京師

文宗大悅手敕曰覽奏感慰實深獲此大勝殊非意料所及朕惟兢業自持叩天速救民劫也詔公署湖北巡撫又 詔督軍解署任以前已奪官 賞兵部侍郎銜旋 賜黃馬褂當是時水軍銳甚順流而下大破賊于田家鎮至于九江前鋒薄湖口攻梅家洲賊壘不下駛入鄱湖賊斷其後路不得出于是外江內湖水師隔絕外江戰船無小艇賊乘舫艇夜襲營擲火燒數十百艘水師大潰公走羅軍以免憤欲自剄羅公止之公上疏請罪 詔旨寬免慰公謂大局無傷

顯皇帝之知臣聖矣哉然武漢空虛北岸軍弱南岸軍孤水師旣挫賊眾復西上再陷武漢擾荆襄蹂崇通破義甯公遣胡公等軍回援湖北塔公軍九江攻城賊公身至南昌撫定水師之困內湖者羅公從征江西復弋陽拔廣信克義

甯而塔公卒于軍公復至九江羅公自義甯上書言東南大勢在武昌得武昌乃可控制江皖大局乃有轉旋之望請率所部援武昌取建瓴之勢此時湖口諸軍但當主守不宜數數進攻以頓兵損威戒諸公堅持必俟湖北克復大軍全注九江乃可議戰公從之幕府劉公蓉諫曰公所賴以轉戰者塔羅兩軍今塔將軍亡諸將可恃獨羅公又令遠行脫有急誰堪使者公曰吾極知其然計東南大局宜如是今俱困于此無益此軍幸克武昌天下大勢可爲吾雖困猶榮也羅公遂行郭公嵩燾送之曰曾公兵單弱君遠去奈何羅公歎曰天苟不忘本朝曾公必不死諸君無憂五年九月公補授兵部侍郎其冬僞翼王石達開由崇陽通城竄入江西連陷八府一州九江賊踞自如湖南北音問不通公困南昌從衆議復調羅公羅公因攻武昌而亡公弟國華國葆聞江西急用父命走湖北乞師巡撫胡公拯兄難將五千人行政瑞州湖南巡撫駱公秉章亦資公弟國荃兵援吉安兄弟皆會行開公前所遣回援湖北諸軍久之再克武漢直下九江李公續賓八千人軍城東楊公載福戰船四百艘泊江兩岸江

甯將軍都興阿公馬隊佐以鮑公超步隊駐小池口凡數萬人軍容整肅公自南昌迎勞望見之則大喜兵勢復振是時下游軍事棘江南大營失陷督師向公榮退守丹陽卒 朝廷以和春爲欽差大臣張國樑爲總統復進攻金陵賊內亂僞東王楊秀清僞北王韋昌輝俱死七年二月公丁父憂奔喪回籍請開缺守制得假三月治喪再疏陳情具言辦事艱難狀 上雅知公拘謹重違其意乃先開兵部侍郎缺令守禮廬候 旨胡公既定湖北進圍九江破湖口外江內湖水師絕四年復合楊公乘勝轉鬪拔彭澤望江東流揚帆過安慶克銅陵泥汊與江南水軍通于是湘軍水師名天下胡公以此軍本公建立楊彭皆公舊部請起公復統水師會九江克復僞翼王石達開自江西竄入浙江浸及福建 上卽家召公出辦浙江軍務公至江西未幾又 詔授閩時僞英王陳玉成再破踞廬州李公續賓赴援至三河覆沒駱公秉章請公舍江圖皖公亦奉 旨統籌全局者屢矣迺規取形勢九年正月上奏曰就數省軍務而論安徽最重江西次之福建又次之計惟大江兩岸各置重兵水陸三路鼓行東下

剿皖南則可以分金陵之賊勢剿皖北則可以分廬州之賊勢北岸須添足馬步三萬人都與阿李續宜鮑超等任之南岸須添足馬步二萬人臣率蕭啟江張運蘭任之中流水師萬餘人楊載福彭玉麟任之至江西軍務亦分兩路臣與撫臣者齡任之臣任北路者齡任南路福建之賊閩省兵力足以自了粵賊句結捻匪嘗以馬隊衝鋒擬調察哈爾戰馬三千匹募勇數千擇平曠之地馳騁操習臣願竭數月之力訓練成熟以備攻剿 上深然其策後數月石達開竄入湖南攻永州圍寶慶 上慮四川且有變令公以軍防蜀行至巴河聞賊已引去竄入廣西而上游兵事解胡公乃建議圖皖與公合謀攻安慶使弟國荃督諸軍在前圍之多隆阿公軍桐城李公續宜軍青草礪公次宿松經營江北而皖南賊陷廣德州遽入浙江襲破杭州回竄建平東壩溧陽偽忠王李秀成大會羣賊建平分道解救金陵江南大營復陷官軍悉潰常州蘇州相繼失威豐十年閏三月也左公宗棠聞而歎曰天意其有轉機乎或問其故曰江南大營將蹇兵罷萬不足資以討賊得此一洗蕩而後來者可以措手又問誰可

當之胡公林翼曰 朝廷能以江南事付曾公天下不足平也于是 天子慎
選帥以公功效懋著就加兵部尙書銜署理兩江總督促救蘇常左公宗棠方
嚮用有 旨下公問狀卽令襄辦軍務 賞給四品京堂未幾公補實授 欽
差大臣或言當撤安慶圍先所急公曰安慶一軍關係淮南全局卽爲克復金
陵張本不可以動搖也遂南渡江趨祁門是時江浙賊氛熾官紳告急軍書日
數十至援蘇援滬援浙援皖援鎮江 詔書疊下公至祁門未十日賊陷甯國
又數日陷徽州中國方困兵革而西洋英吉利寇天津科爾沁王僧格林沁與
戰敗績京師戒嚴

文宗狩熱河恭親王留守勝保奏請飛召外援公發書請提兵北上會和議成
乃止其冬大爲賊所圍一出祁門東陷婺源一出祁門西陷景德鎮一入羊棧
嶺攻其北環城數重吏士皆有憂色固請移營江干與水師相仗公曰無故退
軍兵家上忌此不可也卒不從使人閒行檄鮑超張運蘭亟引兵會身在軍中
意氣自如猶時時以詩古文是娛其堅定不搖率此類也左公至江西後數破

賊樂平浮梁間公薦宗棠可大用請改幫辦軍務十一年八月公弟國荃克復安慶捷未聞而

文宗崩

穆宗立 帝年少 兩宮

太后垂簾聽政以公 先帝重臣委任益至 命節制江蘇安徽江西浙江四

省軍務 朝廷每有軍國大議咨而後行公弟國荃既克安慶用兵如神公益

令召募付以江甯事杭州再陷公舉左公宗棠付以浙江事蘇州之陷賊逼上

海官紳來乞師公舉幕僚李公鴻章付以江蘇事令至淮上召募得八千人公

爲定營制選將官以湘軍之良教之名曰淮軍同治元年公協辦大學士當是

時公駐安慶居中調度公弟國荃有直搗金陵之師李公鴻章有援剿蘇滬之

師楊公載福彭公玉麟有肅清下游之師大江以北多隆阿公有圍攻廬州之

師李公續宜有派援潁州之師大江以南鮑公超有進攻甯國之師張公運蘭

有防剿徽州之師左公宗棠有規復全浙之師十道並出皆受成于公此外袁

公甲三及李世忠淮上之師都興阿公防江北之師馮公子材守鎮江之師並奉旨統籌兼顧軍書旁午日不暇給其秋皖南金陵軍病疫死亡山積公懼大局決裂憂甚奏請簡親信大臣馳赴江南分任重責上諭勞之曰朝廷信用楚軍以曾國藩忠勇發于至誠推心置腹倚以挽救東南全局自諸軍進逼金陵逆匪老巢已成阱檻疊經諭令毋徒求效旦夕惟當立足不敗以俟可乘之機矧疫疹繁興各軍病困之餘詎忍重加督責其各傳旨存問當此艱難時會益以疾疫流行深虞隳士氣而長寇氛此無可如何之事非該大臣一人之咎意者朝廷多所闕失足以上干天和我君臣當痛自刻責實力實心勉圖禳救爲民請命以冀天心轉移事機就順至天災流行必無偏及各營將士既當其厄賊中亦豈能獨無傳染該大臣鬱憤之餘未遑探詢刻下在京固無可簡派之員環顧中外才力氣量如曾國藩者一時亦實難其選該大臣素嘗學問時勢艱難尤當任以毅力矢以小心仍不容一息稍懈也洪秀全被圍久召李秀成蘇州李世賢浙江悉眾來援號六十萬圍公弟國荃雨花臺拒戰四十